

تورک یوردی

تورک ادب قلدی مرکزی هیئت طر قندره نشر اولنور.

نومرو ۸

مایس ۱۳۴۱

جلد ۲

« وور! » دیم

- ملی اوردویه -

تموز کونشنک باشله آله ودن غارغیلر یاغیدیردینی براوکلن ساعتده ایدی .
بن نفسی دارالتاچق قادار هواسی یاقیلمش ، دیکنلرندن یالچین قایالرینه
قادار هر شینی قاورولش بر وادی اوزرنده ایدم . کوزلرم بیک خاطره نك
هسته آچیلمش ؛ بیکلری اطرافنده وحشی بر حرکتله دونویوردی ؛
ساجلرم بیک فیرطینانک روزکاريله طاغیلمش ؛ باشمک اوستنده طالغالانیوردی ؛
حکمرلم بر آناطالغانک صولوغانی کیبی نفس آلیوردی ؛ قلم ارضک قایالرینی یاروب
قمق ایچین زورلایان بریانار طاغ کیبی کیکلرمدن طیشاری یه فیرلامق ایسته یوردی .
بورده بویوک یانغین وقتل عاملر کورمتس ، بیک بلادن آرده قالمش ، طاغلره
شمس بر فراری کیبی آرقامه باققسزین کیدیوردم ؛ ألم وماتم طوپراقلرندن
زاقلاشمق ایچین آتمی مهموزلایاراق کیدیوردم ؛ کچدیکم یرلردن کوکلره بر
ستونی یوکسته رک کیدیوردم .

زیرا آردمده بیراقدیغم ویران بلده لرک صولغون یولجیلری بکا یانیق سسلرله
اولومک قانلی ماجرالرینی و آجیقلی داستانلرینی نقل و حکایه ایتمشلردی . اونلر بکا
ازمیری صوردوغم وقت : « صولرینک طالغالاری قیرمیزی آقیور ؛ لش قوقولوسیه
طاغلرینک اوستنده اوچان قوشلر زهرلی اوقلرله وورولمش کیبی یرلره دوشویور ! »

دیمشلردی ؟ « آیدینه اوغرا دیکزمی ؟ » دیدیکم وقت : « شمدی اونک اوستدن یالکز اولوم روزکاری کیچور ! » دی یه جواب ویرمشلردی ؟ سوکوددن خبر آلق ایسته دیکم وقت اولو کمیکلرینه ، مزار طاشلرینه وارنجیه قادار یاقیلوب ییقیلدیغنی آکلاتمشلردی ، « یا عشاق ، یا بیله جک ؟ » دی یه حایقیردیغم وقتده بو زاوللی مملکتلرک خالی وچاتما طوقویان قیزلرینه دستکاهلرینک در آغابی یاپیلدیغنی سوبله مشلردی .

« کوندوز بک » کوی بنم قوراق چوللرده سراپلر آرایان روحی بر واحه کبی حسرتلرله طولدورمشدی . بن سحر وفسونلو آدی بیک تورلو افسانه لر تخیل ایتدیره ن بوکویه کیتمک ، بورایه بر آن اول قاووشمق ایچین عجله ایدیوردم . اوله صانیوردم که ؟ بوکویده خسته قلبمک یانان حالرینی تسکین ایدم جک بر صوغوق بیکار کوره جکم ؟ یانیق آلمی اوقشایاجق سرین بر هوا طویاجم ؟ یورغون وجودمی دیکلندیره جک بریشیل کولکه بولاچم و بویشیل کولکهک آلتنده بکا تسلی ویره جک یشیل بر قوشک نغمه سنی دیکله یه جکم .

لاکن نه یازیق که ، بر طاغک بوکرنده قارتال یوواسی کبی اصیلی طوران بوکویده بنم تخیل و امید ایتدیکم کبی چیقمادی . بوکویکده یاریسی ییقلمش ، یاریسی بر یانه اکیلمش اسکی دیوارلری ؟ کریچدن یاپلمش ، قانی و باجالری قیریلوب ییقلمش اولری صانکه براز اول زلزله اولمش کبی صارصیتلرینی حای ایتدیریوردی . بوش آخورلری ، بوش آنبارلری اوکنده اسکی قاغیلر ، جامو بو یوندوروقلر ، پاصلی صاپانلر ، چوروک دوکنلر طاغینیق برحالد طورویوردی دیریلرندن زیاده اولولری اولان بوکویده او بر طول ویتیملر آناسی بدخا همشیره لری کییدی ؟ ایصسر محله لرنده هر اودن بر جنازه چیقمش قادار اخلرو بر هوا واردی نه قولوبه لرنده بر تازه قادینک شن تورکوسی ، نه سوقاقلرندن اوینایان بر جوجوغک کولکه سی ! . . .

بورده بنم کوره بیلدکلم بر قاچ اختیاردی . هپسنگده یوکسک و قالین کووده لری داللری قیریش اولو چینارلره بکزه یوردی . یالچین قایالری آکدیران آیلرلنده کی

چیز کیلده بر چوق سرانجاملر اوقونویوردی ؛ صایسز قاجمه لره شاهد اولان کوزلری بوتون برعصرک ألم و ماتملری ، بلا و مصیبتلری انسانه باقیورمش کیی دهستله طولو ایدی .

بن بونلردن برینک یاننه کیتدم ؛ سلام ویردم ، اوطورددم : « نه خبر بابا ؟ » دیدم .

اوزون ، بیاض قیللرله اورتولو ، قاپاقلری دوشوک کوزلرینی یره اکدی ؛ رایکی نانیه طوپراغه دیکدی ؛ آغارمش ، پوسکولسز فسنگ اوسته برآبانی صاریلی باشنی یوقاری یه قالدیردی ؛ یوزمه باقدی : « کوروپورسک ! » دیدی . بوسیراده بر کوچوک قیز چوجوغی قهوه کتیردی . « بوچوجوق نه گذر ؟ » دیدم ؛ « طورونم ! » دیدی . « اوغوللرک وارمی ؟ » دیدم ؛ « قالدیمی که ؟ » دیدی . درت اوغلندن برینسک چاناق قلعهدن ، او برینک قافقاسدن دوئمه دیکنی ، قالان ایکینسندن برینسک آیدینده کوزلرینک اویولدوغنی ، صوکنجینسک ده شیمدی جهده بولوندوغنی سویله دی .

« قاج طورونک وار ؟ » دیدم ؛ « سکر طورونم وار ؛ بری ده مین سکاقهوه کتیرن قیز ؛ او ، کوزلری چیقاریلان اوغلمک قیزی ؛ بونک آناسنی ده یونانلیلر طوتمش ، عرضنه کچمک ایسته مشلر . قارشى گلش ؛ طاغدن آشاغی یه یووارلا مشلر . اولوسنی چوبازلر کورمش ؛ کیتدک ، جنازه سنی کتیردک ؛ ایشته ، شورده یاتیور . » دیدی ، باباسنک آلتندن اوزاندینی کیسک قولیله اوستنده کلینجکلر بیتمش بر نازه مزاری کوستردی و کوزلرینک پیکارلرندن ایکی بویوک داملا یاش کوروندی . کیسک قولنه باقدم : « قولکه نه اولدی ؟ » دی یه صوردم : « کولله پارچالادی ! » دی یه جواب ویردی . براز طوردی ؛ صوکر کاندینسک طقسان اوچ محاربه سنده « کدیکلر » ده ، ۳۱۳ محاربه سنده « دومکه » ده حرب ایتدیکنی ، باباسنک ده اسکی « قریم » محاربه سنده شهید اولدوغنی آکلاتدی . آجی بر سسله : « قولمک کیسلدیکنی ، چولاق قالدیمی ، هپسنى اونوتدم . صوک کوردو کم آجیلر ، هله بو اوکسوز چوجوقله بوعلیل هرشیته بدل ! » دیدی .

بن صورت و غم شیلرله بوزاواللی اختیارک یاراسنه طوقوندوغم ایچین سوک
درجه متأثر اولدم . بیچاره نك حزنله طولو یوره کنه برده بن خنجر وورشم کی
کندیلمده بر متهم عذابی طویدم . قالدقم ؛ اختیاره وداع ایدم رک یانندن ایرلدم
و کوکه باقاراق :

« بواو کسوز چوجوق نیچین ؟ بو کوزلری او یولش ده لی قانلی نیچین ؟ بو قولی کی
اختیار نیچین بو قانلی مزار ایچنده یاتان کنج قادی نیچین ؟ .. بونلر نیچین آللهم ؟ سن
بواو کسوزک یوزینه ، بو کورک کوزلرینه باقایورمیسک ؛ سکا کونده بش کره دعا ایچین
الترینی قالدیران بو کوز یاشلی اختیارک کسک قولنی کورمیورمیسک ؛ بو مزار دنیاک
قانه طولدورولش اغزی ده کیلمیدر که هر دقیقه سنک کوکلر که حایقیریور ، سندن
حق وعدالت ایستیور ؟ سن نه زمان ظالم لر قهر و غضبی کوستره جکسک ؟ ،
دی یه حایقیردم . افقلری دیکله دم . هیچ بر سس طویامادم . یالکنز ایکی سن
ایشیدیلیوردی : مزارلرده ایصلیق چالان روزکارک کورولتوسی ؛ خرابه طاشلرده
قهقهه لرله کولن بایقوشک سسی ! .. »

« قیریق فغفور » ناظمک پیرامید ایشجیسی کوزمک او کنه کلدی . فرعونک
مزارینه کوتوردو کی آغیر طاشک آلتنده ازیلن بواسیرک بر قیریق آغاج کی قارائاق
اثری پیرتان سسنی خاطر لادم ؛ منجملرک مکدر طالع او یونلرینی او قودقلری ییلدیزلرک
اوستنده بر قولاق آرایان فریادی دوشوندیم . او کده ، نیلک بوش وادیسی اوزرنده
او پیرامیدلری کوردیم که ؛ اوچ بیک ییلدن بری سرسری طولاشان بو فریادک
قیریق قانادلری آلتنده ینه بر شاهقه کی طورویور ؛ وبونک آلتنده او فرعون
ینه شان و شرفی ایچنده او یویور .

مضطرب اولدم . « بنم سسم ده بویله می اولاجق ؟ بنم عصرمک فرعونلری ده
اهراملرینک قبه لری آلتنده بویله می او یویاجق ؟ » دی یه باغیردم . ده برن بر حزن
ایچنده بو کویدن ، قورقولو بر خرابه دن چیقار کی چیقدم ؛ حایقیراجق کی طوران بایق
وقیریق طاشلرک یانندن ، اسکی وقورقونج هیکلر او کندن کچور کی حیزله کچدم .
آتمه بیندم ؛ کندی می صارب بر یولک اوستنده بولدم .

بويول اوتە كىلردن داھا فنا ايدى . بر چوق كروانلرك قاتنى ايچن صارى
برچول كييدى . اوستنده كى قارا ديكنلرك توخوملرى قورومش قان پارچالرى كېي
لاجوردىمىسىدى ؟ ياماچلرنده كى يانيق ، قورو آغاچلر صاچلرىنى يولمىش ، قارالر كينمىش
ماتم قىزلرىنى آكدىرىيوردى ؛ دەرینلردن كورولتولرى كلن درەلرك قىصیق ،
بوغوق سسلرى صانكه طاغلرى بوايىسىز بىكلەين ألم پريلرىنك شاهد اولدقلى فاجعه لره
فارشى خىنجقيرىقلى وایكىلىلریدى .

بوچىچكسىز ، پىكارسىز ؛ بواورمانسىز ، قوشسىز يول يانار طاغلرك اتكلرنده كى يرلرك
براشيدى : بورده بىم كوزلر مه غياقويولريله طولو برجهنم واديسى كورونويوردى ؛
نفسى هوايه سىنن لەش ويانيق قوقولرى طيقايوردى ، باشمك اوزرنده عفريتلىر كېي سياه
دومانلر اوچويوردى ؛ او كمدە ، آدسىز وزيارتسىز مزارلرك اوستنده روزكارلر آغلايوردى .

بن بويولك اوستنده هيچ بريره باقامق ، هيچ برشى كورمه مك ايچن
عادتا كوزلرم يومولو كيدييوردم ؛ صانكه آغىرلىق باصمىشده بر قورقونچ رؤيا
كورويورمىش كېي عصي بر بحران ايچنده كيدييوردم . بردن بره آتمك اياغى
سورچدى ؛ كوزلرمى آچدم ، باقدم : بر اولو قافاسى ! طوردم ؛ چىكنه يه مدم ،
كچه مدم . بكا اويله كلدى كه اكر بو قافانى چىكنه يوب كچه جك اولور سام آرقامدن
حايقيراجق ؛ بنى مفرور آتلىرىنك آياقلىرى آلتنده اك عزيز شىللىرى تحقير ايدەن
وحشى و كستاخ انسانلر كېي تلەين ايدە جك . آتمدن ايندم ، بو اولو قافاسىنى ألمە
آلدم : « اوت ، برانسانك قافاسى ؛ شېهەسىز بر كنچك قافاسى ! لاكن كيمك ؟ »
دىيە كندى كندىمه صوردم . كوزلرمك او كنه بر چوق كنچلرك خياللىرى كلدى :
برينه باقدم : آلنى يانيق بر كنچ ، بر چىفتجى ! زنكىن ، فقير ، معصوم ،
جانى بوتون انسانلرى بىلەمك ايچن اتى ، ترينى ويرەن ؛ محبت و شفقتك مقدس
آتمكىله طول و يتيم سفيللىرى طويوران عزيز برايشىجى يى دوشوندم ؛ « شىمىدى
دنيانك سفرە سندن اكسيلن آتمكى هانكى آل تماملاياجق ؟ او طوللره ، اويتىملره
كىم باقاجق ؟ » ديدم .

اوبرينه باقدم : صاچلىرى طالغالى بردهلى قانلى ، بر عاشق چوبان ! طاغلردن
مو ايچمك ايچن پىكار باشلرينه اينەن كىكلره قاوالنى دىكلەتن ، يىلدىزلرك بىلە

کوزلرندن صاقلی اختیار چینار کولکه لرنده سوکیلسنه ابدی محبت یمینلری ایدمن
بر سودا چوجوغنی خاطر لادم؛ « شیمدی طبیعتک اسرارلی کوزه لکسنی کوللردن
زیاده نغمه لره صوصامش روحلره کیم چالاجق؟ بر عاشقک بیراقدینی بوشلنی
هانکی کائنات طولدوراجق؟ » دیدم .

باشقا برینه باقدم : کوزلری رؤیالی بر چهره ، بر شاعر ! خلقچی بر روح
وصنعتله آدسزلرک ، کیمسه سزلرک سفیل وقارانلق قولوبه لرنده طولاشاراق عشق
ومرحمتک یکی شعرلرینی چالاجق ، بر طوغاجق دنیانک یکی کتابنی روحلرک
وکوکلرک لسان و آهنگبله یکی حیاتک یولجیلرینه اوقویاجق بر معنی نی تخیل ایتدم ؛
« شیمدی ایسلی چاتیلرینک لوش پنجره لرندن کروان قیران ییلدیزلری کچی
صاریمتراق ایشیقلی کوزلریله یوللره باقانلره بونلری کیم ترنم ایده جک؟
کیم اویولجیلری یکی بر دورک یکی انسانلری ویکی بر رؤیا وخیالک یکی قهرمانلری
یاپاجق؟ » دیدم .

داها باشقا برینه باقدم : اسرارلی بر روح ، بر منجی ! مجهولک یوللرندن
کتیره جکی آلتون آناختارله بویوک سرک ، ابدی معمانک طلسملی دمیر قاپیلرینی
آچاجق ، عصرلرک زندانلری ایچنده زنجیرلره وورولمش فکرلری ، روح ووجدانلری
قورناراجق برداهی نی تفکر ایله دم ؛ « شیمدی مرمر قاپاقلره اورتولومزارلرکی
صاغیرو یوصونلو طوران قاپیلری اوکنه کیم کله جک؟ مؤبد کیجه لرینک طونج دیوارلری
ایچنده یکی حقیقتلرک فخرلرینی بکله یین بشریتی کونشک یولنه کیم چیقاراجق؟ » دیدم .
متأثر اولدم؛ بونلرک هپسنه آجیدم . آنجاق بنی اک زیاده او کوزلری رؤیالی
وروحی اسرارلی ایکی کنجک خیالی مکدر ایتدی . زیرا هر زمان بهارلرچچیکلرینی ،
طالغار نغمه لرینی کتیریر ؛ هر آقشام افقده بیك ییلدیز پاریلدار ؛ هر صبح طاک
یرندن بر کونش طوغار . لاکن هر وقت بویله عزیز روحلر طوغاماز . والیکینک بر
زردشتک ، طوغدوغنی کوره بیلیمک ایچین اختیار هند ، اختیار ایران کیم بیلیر
قاج عصر بکله مشدر ؟ دیورلرک : یکی کونشارک آلتنه یکی روحلره کلنر ویکی
سوزلر کتیره نلر اولدوکلری زمان دنیا مقدس آتشلری سونمش کی قارانتلقده

قالریش ؛ کیسه سز بر طول قادین کیی آغلارمش ؛ کوزلرینک یاشیله کوللر ، ده کیزلر وجوده کتیریرمش . بن ده بونلرک قلمده بویوک یارالر کیی آچیلان مزارلری او کنده ، او طول قادینک یاننده عزیز اولدلرینی غائب ایتمش بر اختیار بابا کیی آغلادم .

آلده کی قافیه باقدم : « بوقافا ، شیمدی چورومش بر آغاج کوتوکی کیی ، طاعلردن سیلرک سورویوب کتیردیکی بر چاقیل طاشی کیی یرلرده سورونویور . او بوکون بار کیرلرک ، قاطیرلرک آیاقلری آلتنده ازیله جک ؛ یارین ده آج کوپکلره ، آج قوردلره کیریله جک ؛ عادی بر حیوانک ده ریزی ، اسکلتی ایچینه کیره جک ؛ یرتیجی بر حیوانک قاننه ، جکرلرینه قاریشاجق ؛ یرتیجی بر حیوانک دیشی ، طیرناغی اولاجق ! » دیدم . بوقافای افقاره اوز آتدم ، بشریته کوستردم : « ای شفقتسز آنا ! بوقافا سنک طوغوردوغک بر چوجوغکک ده کیلمی ؟ قانکی طاشیان بو اولاد که قارشى نهدن سنک کو کسکده سیزلایان بر قلب ، وجود کده تیره یین بر روح ، دوداقلر کده حایقیران بر سس ، اوموزلر کده قورتاریجی بر قول یوق ؟ عشق ، حریت ، حق ، عدالت ... بونلرک هپسی لافدر ده کیلمی ؟ سنک شاعر لرکک ربابلرنده حایقیرتدقلری نغمه لر ، هیکلتر اشلرکک چکیچلریله یوننتدقلری مرمرلر ، فیلسوفلرکک کتابلرنده یازدقلری حکمتلر ، روحانیلرکک کرسیلرده ویردکلری موعظه لر هپ اغفالدر ، هپ حیلهدر ، هپ ریاددر ، هپ یالاندر ، ده کیلمی ..؟ او یله ایسه ای یالانچیلرک آناسی اولان سفیل قادین ، ای یالانچی ، حیله کار قادین ! سن بنی نهدن بر چوجوق کیی آلداندک ؟ » دییه باغیردم .

قارشیمده : « کفرلر » شاعرینک جادیسنی کورو یورم صاندم . بن ده اونک کیی بونک کوزلرنده کی ییلدیزلری ایکی ده لیک کوردیم ؛ اریمش بر کونش کیی طالعالانان قومرال صاجلرینی ایکره تی بولدم ؛ بوتون روز کارلره قارشى آجیق بر قفس کیی کورون وجودینی بر اسکلتیه بکزه تدم . شیمدی یه قادار بوجادی یه آلدانیدیم ایچین ، بوکا بر بودالا کیی ایناناراق عشق و امید قصیده لری یازدیدیم ایچین ، حرمت طولو اللرمه تقدیمه لر صوندوغم ایچین ، بونی عزیز و مقدس طانیدیدیم ایچین کنیدی اتهام ایتدم ؛ کنیدی تلعین ایتدم . اونی اولدورمک ایسته دم .

آووچلرمك ايچىندە بر آغىر كوللە كېي طوران اولو قافاسنى باشە آتدم . اوچكەلرى دەمىردن آياقلر كېي يرلە كومەرك ، حالا قاتل و كىناھكارلر كزوب طولاشدىنى دىيانك آلتە لغت دامغالرى باصار كېي آرقامدە ايزلر يىراقاراق قوتلى آدىملرلە يورودم ؛ آتە بىندم . بر يىقىق خانە كلدم .

كون باتيوردى . مغموم آقشامك قانادلىرى ، كىتكە صىقلاشان قارانلقلىرى طاغلرە ، طاشلرە سىرپيوردى . كىجەنك اسمە باشلايان هواسى بوتون جكرلرە ، سىنيرلرە اويقونك بايىلتىجى قوقولرىنى ، خاشخاشلىرىنى دو كويوردى . كوچوك سرچەلرى نچەلەين بويوك قوشلر ، نارىن كىكلرى پارچالايان يىرتىجى قاپلانلر يووالرىنە چكىلمىشىدى ؛ يشىل كوللردە ئوتن قورباغلر صوصمش ؛ خائن يىلانلردن امين اولارق نىلى چىنلرك اوستندە اويويوردى . كوكلر سياه بولوطلردن كىنلرە ، يرلر دەرىن سكوتلردن تابوتلرلە اورتولمىشىدى ؛ اولوم وماتم يوللردن قاجوب كلن يولچىلر يورغون دوشمش ؛ شرىر انسانلردن اوزاقلالشارق وحشى قايلرك كولكەلرندە اويويوردى . لاكن روزكار مزارلرك اوستندە ايصىلىق چاليوردى ؛ بايقوش خرابەلرك اوستندە قەقەهلرلە كولويوردى . بو ايصىلىق وقەقەهلرك اوكنە خىنچقىران برقادىن سىنە بىكزەين برسس ، بوتون آناطولونك باغرىدن قويوب كلىور كېي عكس ايدەن برسس وطنك روحى كېي آغلايوردى . وبونلر بكا ظالم دىيانك اسرارىنى ومظلوم بشرىتك مقدراتى افشا ايدىيوردى .

بو ايصىسىز ، بو صاغىرارضك اوزرندە قىمەلدا نان بر خىالت واردى ؛ بو بىم كولكەمدى . بو يىلدىزسىز ، بو كور سەنك آلتندە پارلايان ايكى قىويلجىم واردى ؛ بو بىم كوزلرمدى . بكا اويلە كلىوردى كە بورده بىندن باشقە كىمە يوقدى ؛ بن ياپا يالكىزدم . بىم ايچىندە بولوندى و غم بر كىجە سحر و معجزەلى كىيدى . سانكە او بوتون قوتلرىنى طويلامىش دە اسرارك پرده لىرىنى يىرتىمىشىدى . بو يىرتىلن اسرارك آلتندە طاغلر يورويوردى ؛ اوزاقلر ياقىنلرە كلىوردى ؛ دىلسىزلر قونوشويوردى ؛ اولولردىر يايوردى . خرابەلر يىقىق قەلرلە ، يانىق ستونلرلە كوللرك آلتىدن ميدانە چىقيوردى ؛ مزارلر قانلى طوپراقلرلە ، اتلرى دو كوله مش كىكلرلە آياغە قالقيوردى ؛ اولر ، كويلر .. طوللرى ،

یتیم لری چیریل چییلاق طاش و دیکنی یوللر دو کویوردی؛ طاغلر، طاشلر.. اوغولسر
قلمش کوز یاشلی آنالرك، اختیار و علیل بابالرك لعنت و بددعالریله حایقیریوردی.
و بو حایقیریشر نیم بینمه بر کورک قافاسی ایچنده کی سس اوغولتورینی، سس فیرطینالری
طول دور ووردی.

بونلر نیم بوتون وارلنمی تأثیری آلتنده بیر اقدی. اونلر کیبی بن ده بر قیامت پارچاسی
 اولدم: نیم ده روحک بردیکلی طاشی، بردیکلی آغاجی قالمادی؛ بن ده یاندم، یاقیلدم،
 ویران اولدم، چیکنه ندیم. بن ده قلبک بوتون خرابه لرله، مزار لرله آیاغه قالدیم،
 دیکیلدم. بن ده یالین ایاق، باش آچیق طیشاری یه اوغرام؛ بوتون درد لرمله، آجیلرمله،
 آلرمله، ماتلرمله حایقیرمنه باشلادم. بو صرا ده باقدم: او کده کونشک باتدینی
 و یاراسا قوشلرینک اوچدوغی یرلرده بکا صیرتلانلر کی اوزون دیشلرینی کوسترهدک
 قان قوقولو آغیز لرله صیریتان و نیم فلا کتلمی وحشی و مستهزی نظر لرله تحقیر ایدن
 قلبسزلر وار؛ السهی مغنیلرک تلغین ایتدکلری آلری قانلی، باشلری دفنه داللی
 قاتل و کناهکارلر وار: قارتال پنجه لرله کوکلری آووچلامق، فیل آیاقلری آلتنده
 ارضلری چیکنه مک رؤیاسنی کوره نلر وار؛ ظفر آرابا لرله بیاض باشلری ازمک و پوت
 هیکلرینک او کنده بوتون باشلری سجده ایتدیر مک ایسته ینلر وار؛ آلری باغلی اسیرلری
 زنجیر لره و ور مقدن و بونلری بر جهنمدن قورتولمق ایچین یالوار ییور کیبی قیوراندیر مقدن
 ذوق آلانلر وار؛ کللری قان و آتش اولان اولوم باغچه لرنده فحش و شهوت کیجه لرینی
 یاشایانلر وار!.. او یکی سزارلر وار که آووچلرنده قانلی ده میرلر پار لایان جلا دلرینه: «تولوم!»
 امرینی ویرمشلر؛ بیر تیجی قاپلانلرینی نیم اسیر قارداشلر مک، اسیر همشیره لر مک اوستلرینه
 صالدرتمشلر؛ بریکی قانلی غیلادیاتور سیر ایدیورلر مش کی وحشی بر ذوق ایچنده لر.
 او یکی نهرونلر وار که آلرنده قاطرانی مشعله لر یانان قونداق جیلرینه: «آتش» دییه
 حایقیرمشلر؛ کیریمجی یاغینلرله نیم شعر و خولیا مک دیار لرینی، عشق و ایمانک معبدلرینی
 طوتوشدورتمشلر؛ بر یانان یکی رومانک آله ولری او کنده بولونویورلر مش کیبی اون
 تللی سازلرینی جالمقده درلر.

بولر قارشى بن ايجمده بر عصيان طويدم. رومانك ظالم قيصر لر يني زنجيردن سلا حلاله
تولدورتكم ، رومن قورد لر يني قانلر نده بوغدورتكم ايچين : « آياقلانك ! » دى يه حايقيران

جسور سپارته کوسلرک خیاللرینی اوکمه کوردیم. قلمده یکی بر قوت ، یکی بر روح بولدم .
 بوساعتده بویوک ایشلرک توخوملرینی صاچان الهی ا کینجیلرک سسلرنده کی روحی داها
 آنی آکلادم ؛ حریص و متکبر بردنیایی ییقمق ایسته ین عزیز قازماجیلرک مقصدلرینی
 داها آنی کشف ایتدم ؛ حق و حریت یولنه آتیلانلرک مشعله لرنده کی آله ولرده ،
 قلیجیلرنده کی شمشکلرده حیاتک وانسانلنک معناسنی داها آنی اوقودم . حرانسانک
 حر سسنی حر هوانک حر طالعاری ایچنده ایشیتمک عشق وهیجانیه تیره دم .
 بنده اونلر کیی اولدم .

کون طوغنامشدی ؛ بر تپیه چیقدم ، قیرمیزی کونش مقدس اورمانلرده
 کولکه لری کورولن قهرمانلرک سلاحرینه شمشکلرینی یوللامازدن اول ، بن
 اونلرک سلاحرینی تیرانلرک باشارینه برر ییلدیریم یایمق ایسته دم . عشق و حریتک
 محاربلیرینه صولری قیرمیزی آقان ، قوشلری زهرلی اوقلرله وورولش کیی یرلره
 دوشن ازمیری کوستردم ؛ اوستندن تولوم روز کاری کچن آیدینی کوستردم :
 « وور ! » دیدم . تولو کیکلرینه ، مزار طاشلرینه وارنجیه قادار یانوب یاقیلان
 سوکودی کوستردم : « وور ! » دیدم . دستکاهاری خالی وچاتما طوقویان قیزلرینه
 دار آغاجی اولش اولان عشاقی کوستردم ، بيله جکی کوستردم : « وور ! » دیدم .
 حق وعدالتک قهرمانلرینه او ویران کویی کوستردم : « وور ! » دیدم . او اوکوز
 قیزی ، او کور دهلی قانلی یی کوستردم : « وور ! » دیدم . او کوزلری یاشلی ، قوی
 کسک اختیاری ، اوقانلی مزارده یاتان کینچ قادینی کوستردم : « وور ! » دیدم .
 واو تولو قافله سنی کوستردم : « وور ! » دیدم .

بکا طاغیر ، طاشلر سسمک ، حایقیریشلرمک عکسلرینی کتیردی . کونلر ،
 هفته لر کچدی ؛ بوسسمک ، بو حایقیریشلرمک عکسلرینی حایمانا اووالرندن ،
 ساقاریا وادیلرندن طویدم . بن یاشادقچه ، دوشمان بنم مملکتده قالدقچه ، بنم
 مملکتده کلدکجه سسمک ، حایقیریشلرمک عکسلرینی ینه عینی یرلردن طویاجم .
 اولونجه ده ، آغزمه وقولاقلمه طوپراق طولدوغی زمان ده بوسسمک ، بو
 حایقیریشلرمک عکسلرینی مزارمدن طویاجم . بونی بکا چوچوقلرم وچوچوقلرمک
 چوچوقلری طویوراجقلر !!